

ct

malcriada

Unha historia de amor

de

Esther F. Carrodegua

(fragmento en galego)

Esther f. Carrodegua
malcriada
UNHA HISTORIA DE AMOR

[versión gravación SGAE]

POSITIVAS

Primeira edición: Marzo 2020

© Esther f. Carrodegua

© Edicións Positivas s.l. Rúa das Carretas, 18, baixo

15705 Santiago de Compostela (Galicia) Tel.: 660397064

positivas@editionspositivas.com www.editionspositivas.com

ISBN: 978-84-121415-2-8

Dep. Legal: C 92-2020

Para as persoas de Xiara
(Asociación Galega de Empregadas do Fogar)
que me contaron algúns destes Contos Reais

[en escena a protagonista e o *chester*]

I

vivo aquí
na túa casa
–coma quen di–
teño as túas chaves
–porque ti mas deches–
teño as chaves da túa casa:
da casa
onde tes o teu ordenador
e as fotos dos teus fillos
os recordos de voda
os bonecos de *star trek*
o que sexa
as xoias tamén
a caixiña coas xoias agochadas
máis agochadas aínda que o vibrador
claro que sei
onde tes o vibrador
recorda:
teño as chaves da túa casa
coñezo os teus horarios
coñezo • os teus • horarios
e as túas manías
como por exemplo
a de vir de cando en vez
ao longo da mañá
alegando calquera cousa
vir ver se estou
¡claro que estou!
¿por que non había de estar?

sei
dos teus horarios
das túas manías
do teu chocolate cando tes a regra
sei do sexo
da falta de sexo
seino todo
e o que non sei
podería sabelo
se quixese
é só cuestión de querer

un día
sentei aquí
no sofá
media hora
así
coma os ricos
coma as ricas
decidín chegar media hora antes para sentar no sofá
NINGUÉN COMPROBA SE UNHA CHEGA ANTES A TRABALLAR
NINGUÉN
sentei no sofá
non acendín a televisión
pareceume de pobres coma min
de pobres coma min
ver a televisión
OS RICOS NON VEN A TELE
OS RICOS DE VERDADE
NON VEN A TELE
se eu fose rica
non vería a tele
nin escoitaría a radio
¿que me habían de importar as miserias dos demais se eu fose rica?

se eu fose rica
non había de ver a tele nunca máis
NUNCA
MÁIS